

無辦法，爲此備文呈請 院長鑒核，職會在未交代以前，應如何辦理之處 訓示遵行，實爲公便。謹呈

大學院院長蔡。

●附大學院指令華僑教育委員會主任鍾榮光

大學院指令第五四九號
十七年六月十九日

呈悉。在僑務委員會未成立以前，所有華僑教育事宜，擬暫交僑務局接管主持，以免中斷，經於六月十三日，由本院函請外交部查照轉行該局遵照矣。仰即知照。此令！

◎華僑教育委員會主任鍾榮光來呈

大學院來文第二六六八號
十七年七月七日到

爲呈復遵令將文件等項交由僑務局接管請鑒核備案由

呈爲呈復事：案奉 鈞院指令第四五九號內開：（覓本期公報四四頁）等因，奉此，遵即將文件賬項存款什物造具清冊，交由僑務局接管，並由該局函證點收明白，理合將原函並清冊副本，賚呈 鈞院備案，懇即 鑒核。謹呈
大學院院長蔡。

●附大學院指令華僑教育委員會主任鍾榮光

大學院指令第六三〇號
十七年七月十三日

呈悉。准照備案。函冊存，此令！

◎中央大學區立中等學校聯合會沈履等來呈

大學院來文第二三八九號
十七年六月十六日

爲呈請變更大學區制由

呈爲瀝陳大學區制度之弱點懇請設法變更，使各級學校分途並進，仰祈 鑒核事：竊爲教育之進步，胥賴有司之得人，猶在制度之良善。吾蘇施行大學區制，一年於茲。教育行政之重心，繫於大學。各級教育事業，同受一系之羈勒。故大學一起變動，凡中小學校及地方教育，莫不爲所牽累，而呈杌隤不安之狀；此其貽害於黨國前途者，至深且烈。職會同人宣勞教育，矢志救國。大學區制之弊害，旣目擊心傷，不得不竭盡智慮，爲 鈞院委員諸公，一詳解之：

一曰受政政潮之牽涉。吾國倡行大學區制，以行政學術化相號召。大學校長統轄全省教育行政，身繫全校學術領袖，任繁職重，精力有幾。更兼任省行政及其他各項委員，席不暇暖，疲於奔命。欲責其專心教育，隔離政潮，勢所不能。竟不幸而遇政潮，小則傷及個人人格，大則牽累全省教育，全省教育胥受阻害。在昔日似屬過慮，在今日